

Geliefde Lourensrivierder

Met Pinkster wat verby is, is mens geneig om weer op ons normale ou trant dag vir dag op ons eie aan te sukkel..... Ons vergeet dat ons vir 'n week lank weer bewus gemaak is van Jesus se wonderlike belofte aan Sy dissipels en ook aan ons, dat Hy die Heilige Gees vir ons gestuur het sodat ons nie soos "weeskinders" agtergelaat word nie.

Vanoggend op Radio Tygerberg het Jackie Beukes oor die Heilige Gees gesels wat ons Metgesel is. Hy het so mooi verduidelik wat 'n metgesel is en dat mens sekere dinge net meer geniet as jy 'n metgesel/maatjie/vriend by jou het.... Sekere dinge is net makliker om te doen of aan te pak as jy 'n metgesel het.♪

Ek het sommer net weer so 'n lekker gevoel gekry om te dink dis Wie Jesus vir ons gestuur het om die lewe op aarde vir ons beter, makliker, lekkerder te maak.♪

Jackie Beukes verduidelik mooi in hierdie skakel Wie die Heilige Gees is.

Klik hier: <https://www.youtube.com/watch?v=fOyBT9HWdZI>

### **KOM O, SKEPPERGEES:**

O Heer, ons staan voor U gebroke  
As mens verstaan ons nie U weë  
Maar, U stuur vir ons 'n Leidsman trou  
Hy lei ons na U

Kom o, Skepper Gees, Lewendmakend Gees  
Kom in al U volheid, Kom in al U krag  
Lei my in U waarheid, Leer my van die Vader en Seun  
Wees U ook my trooster, Kom o, Skepper Gees



Mariette la Grange sing Kom o Skepper Gees - <https://www.youtube.com/watch?v=dm0tIAzNSXI>

### **NUUSKRUMMELS: 24 MEI 2018**

### **NUUS UIT DIE KERKKANTOOR:**

#### **ONS WOEKER BY DIE KERKKANTOOR**

Heerlike varsgebakte koekies @ R20 per pakkie  
Anna se organiese Hanepoot Korrelkonfynt @ R20 per potjie (nog net 8 oor)  
Anna se organiese Hanepoot Druiwestroop @ R15 per botteljie (nog net 3 oor)  
Lappiesboontjies @ R45 p/kg (nog net 5 oor)  
Boekie: Lig op 'n Chirurg se pad R50 (R25 vir kerk en R25 vir Evangelisasie)

#### **Droë Vrugte:**

Kakamas Perskes (taaipit) @ R60 p/kg  
Sederberg Perskes (lospit) @ R60 p/kg  
Pere @ R60 p/kg  
Pruime @ R60 p/kg  
Snippers (200 gr) @ R20 per pakkie (deurmekaar vrugte)

**ALLES is ten bate van die Voedsel feesfonds:** Daar is besluit om dwarsdeur die jaar te woeker vir ons Voedsel feesfonds en daarom is gemeentede ook welkom om nou al te begin bydra. Ons hoef nie te wag tot twee weke of 'n maand voor die Voedsel fees plaasvind nie.

#### **VIR FINANSIËLE BYDRAES:**

Rekeningnaam: NGK Lourensrivier  
ABSA Bank Strand (Takkode: 334 312)  
Rekeningnommer: 420 580 231

Stuur asb bewys van inbetaling na kerkkantoor per e-pos: [fin@lourensrivier.co.za](mailto:fin@lourensrivier.co.za) of faks 021 853 8009 met verwysing (Naam & voedsel fees)

Bydraes kan ook by kantoor gedoen word of d.m.v. Koevertjies (by deure in voorportale) wat in kollektiesakkies geplaas kan word.



## **BESIGHEIDSNETWERK:**



Ons heet vir Michael Barrish welkom as deel van ons Besigheidsnetwerk op ons webtuiste. 🎵 Ondersteun hom asseblief. Besigheid se FB is:

<https://www.facebook.com/helderberggrusticpaletteplanters>


Hiermee nooi ons ook weer Gemeentelede uit wat besighede het om die kerkkantoor te kontak sodat ons die inligting op die besigheidsnetwerk op ons Webwerf kan plaas

(<http://www.lourensrivier.co.za/index.php/besigheidsnetwerk>).

Jy kan ook jou besigheid op Graham Powers se Unashamedly Ethical webwerf gaan registreer waar mense, wat in alle omstandighede eties wil optree in hul besighede, 'n besigheidsnetwerk geskep het:

<http://unashamedlyethical.com/>

## **KERKNUUS UIT DIE OMGEWING**



### **CRAZY LITTLE THING CALLED MARRIAGE: R50pp**

Monday, 04 June

Durbanville Baptist Church  
Corner Mill St & Durbanville Ave  
18:30 for 19:00-21:30

Tuesday, 05 June

King of Kings Baptist Church  
C/o Buller Louw Drive & Ou Kaapse Weg  
18:30 for 19:00 pm – 21:30

“We all know marriage can have its twists and turns. But the detours don’t necessarily have to lead couples off course. Whether you are preparing for marriage, are thriving after 45 years and still seeking improvement, or are feeling hurt and hopeless, the Smalley’s are here to help you feel refreshed and to enjoy a stronger, healthier and more satisfying marriage.

Join Dr. Greg and Erin Smalley for biblically-based strategies proven to help you navigate relationship roadblocks, improve communication and build a romance that lasts a lifetime. (Oh and have fun while you’re at it!)”

Vir meer oor die kursus, klik op die skakels:

<http://www.safamily.co.za/smalleys-events/>

<https://www.focusonthefamily.com/marriage/promos/crazy-little-thing-called-marriage>

## **BERG-EN-SEEKLUB vir SENIORS**

Donderdag 7 Junie, 09:30 vir 10:00

NG Moedergemeente Somerset-Wes

LIANA LOURENS tree op met 'n SANG-en-WOORD-bediening.

Tema: JY HET WAARDE

Daarna het ons 'n BYBELSE ETE van heerlike sop, brode en vrugte.

Koste: R10 besoekers & R5 lede.

Almal is baie welkom.

## KNIEWERK

- ✦ Ons loof die Here vir reën wat reeds geval het en dit wat Hy nog gaan stuur.
- ✦ Bid steeds vir waterkrisis en ons land se leiers
- ✦ Helene Fourie se broer gaan more vir 'n ernstige operasie
- ✦ Beatrice Vermeulen vir spoedige en volkome herstel na trippel hartomlyning
- ✦ Ria Morkel vir spoedige en volkome herstel na hospitalisasie
- ✦ Sannie le Roux vir gesondheid

## FOKUSTEKS VAN WEEK ASOOK DEEL VAN SO. 27 MEI SE BOODSKAP: ROM 8:12-17 (TRINITEITSONDAG EN DIE WEEK DAARNA)

Drie-eenheidsondag word in meeste kerke op die eerste Sondag na Pinkster gevier. Dit is ook die eerste Sondag in Koninkrykstyding, die nuwe kerkseisoen wat begin.

Die liturgiese kleur vir die Sondag is wit. Daar is aanduidings dat Drie-eenheidsondag reeds sedert die tiende eeu op hierdie datum gevier is.

Die bedoeling is om die gemeente in aanbidding van die Drie-enige God te begelei

### Vers 15 van ons Fokusteks sê letterlik:

Julle het die Gees van aanneming tot kinders ontvang deur Wie ons roep "Abba, Vader!"

Die beelde wat ons identiteit in God beskryf, word in ons teks opgestapel:

Ons is slawe wat vrygekoop is uit die verslawende mag van die sonde

Ons is deur die Heilige Gees aangeneem tot kinders van God

As kinders van God is ons erfgename van God en mede-erfgename van Christus.

Die dag toe ons pad met ons Vader gekruis het, het ons lewens ingrypend verander. Ons het 'n nuwe identiteit. En ons het 'n nuwe afrigter, die Heilige Gees, wat ons leer om ons nuwe identiteit uit te leef.

### **God praat met ons en ons luister:**

*O Heilige Gees van God,*

*Kom na ons en beweeg tussen ons:*

*Kom as wind en reinig ons;*

*Kom as vuur en suiwer ons;*

*Kom as dou en verfris ons:*

*Oortuig en bekeer ons en wy ons hart en lewe aan U*

*Vir ons eie welsyn en tot u verheerliking.*

*Ons vra dit in Jesus se Naam.*

Eric Milner White (1884-1964) in 2001. Gebedeboek met Liturgiese Voorstelle. Lux Verbi.BM.

## OORGEE, OMGEE, AANGEE

Jackie@Lourensrivier

